



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Petri De Dusburg, Ordinis Teutonici Sacerdotis, Chronicon
Prussiae**

Petrus <de Dusburg>

Francofurti ; Lipsiae ; Regiom. Pruss., 1679

Cap. CLVIII. De Morte plurium Pruthenorum.

urn:nbn:de:hbz:466:1-11850

CAP. CLVIII.

De

Morte plurium Pruthenorum.

NON longè postea exercitus Pruthenorum intrans terram Colmensem, ipsam incendio & rapinâ & multâ strage hominum Christianorum vexavit. Tandem venerunt ad civitatem Colmensem, ubi eis cives occurrerunt armatâ manu, & inito certamine Capitaneum ipsorum & multos alios interfecerunt, & sic redemptus fuit captus ab eis omnis populus Christianus.

CAP. CLIX.

De

Vastatione terræ Colmensis & occisione quorundam Fratrum & armigerorum.

POST hæc Scumandus cum Sudovitis intrans terram Colmensem, divisit exercitum suum in duas partes, quarum una processit contra Thorun, alia contra Colmensem civitatem, occidentes, capientes & comburentes, quicquid in via occurrit eis. Sed circa horam vesperarum convenerunt apud castrum Birgelavv, ibique castra metati sunt. In ipsa nocte fratres dicti castrum cum suis armigeris exierunt, & exercitum dormientem inquietantes, occisis pluribus & lethaliter vulneratis factus fuit clamor magnus, quo audito Custodes, qui vigilias noctis servabant super dictum exercitum jam parati in armis supervenerunt, & duos Frarres cum (a) dimidio & plures armigeros occiderunt.